



Taiguagakhaq Titiqqiqininnganut uuma
Tuyurninnga ukunanik Qayangaqunik Hunavaluit
Maligangit, 1990

2016

Pivalliyuliyikkut ingilrayuliyitkullu

Kangiqhipkaidjutit

Una Tuyurninnga ukunanik Qayangnaqtunik Hunavaluit Maligaaq, 1990 (Maligaaq) Nunavuutim aadjikutariyaa kaanatap Tuyurninnga ukunanik Qayangnaqtunik Hunavaluit Maligaaq, 1992.¹ Talvani kaanatap maligangit pikmata tuyuqtauniqmut pidjutinginnut piyuq nunanganut (ukunatitut tingmitikkut, Nunaqyuacaqatigit hilaqyuamiluuniit tariunga, uiruliriiktuniklu apqutikkullu ingilravingit), tamna avikturninngani Maliganga piyuq ukunainnaqnut ittut kiklingani apqutitigit ingilraniq aulapkaininngit

Piumaninngani ihuaqtunik nunaqyuamilu aadjikiikniinnik, Nunavuutim Tuyurninnga ukunanik Qayangnaqtunik Hunavaluit Maligangit, 1991 (Maligangit) angiqtakhait ilitturidjutikhamik kaanatap maligangit² malikhugu una kaanatap Maliganga pikmata apqutikkut ingilraviukmat. Talvuuna, Qayangnaqtunik Hunavaluit tuyuqtauyut Kaanatamit atauhikkut ingilradjutikkut aadlamut unalu/unaluuniit nunagiyaunikkut piyut ihuaqtunik maligaliqidjutainni tunngavik.

Ilangani 62uumannga Tuyurninnga ukunanik Qayangnaqtunik Hunavaluit Maligaaq, 1990 ihariagiyuq munariyuq Ministanga iliuraqtakhaa katimadjutimut Ukiuq Tamaat Unniudjipkainiq hivulliqpaami katimaliqmata Maligaliurvikmi talvannga ukiungani taigualiurninnganut.

Tamna taiguagakhaq naunaiqtakhaa:

- a) laisingit tuniyauyut titiraqhimaninngani ilangani 4(1);
- b) Uuktuutit piliurhimayut titiraqhimaninngani ilangani 7(1);
- c) lhuarhaqhimayut, nutqaqtitauyut nutqaqtiniqluuniit laisimik titiraqhimaninngani 10(d);
- d) Pitquyauyuq tuniyauyuq titiraqhimaninngani ilangani 31(1);
- e) Taiguagakhaq piliurhimayut titiraqhimaninngani ilangani 34(1);
- f) Tiliurut tuniyauyuq titiraqhimaninngani ilangani 35(1);

¹Atinga Nunavut maliganga uvva Qayangnaqtunik Hunavaluit Maligaaq, 1990; atinga kaanatap maliganga uvva Tuyurninnga ukunanik Qayangnaqtunik Hunavaluit Maligaaq, 1992.

²Atinga Nunavut maliganga uvva Tuyurninnga ukunanik Qayangnaqtunik Hunavaluit Maligangit, 1991. Kaanatap maligangit uuminnga ittuq Tuyurninnga ukunanik Qayangnaqtunik HunavaluitMaligangit.

- g) Ihuigyauniq piyuq titiraqhimaninngani 36;
- h) Qanuriliurutauyuq Nunavut Kavamatkunnit pigiamikni nakuuyut akingit akiliralgiitlu titiraqhimaninngani 38;
- i) Piliurninngit atuligtitauyuq pitqutigiquplugu ihuinnaarutinik titiraqhimayumi Maligaqmi umaniluuniit Maligangit; unalu
- j) Ihuinaaqhimadjutaa ihuirutimut Maligaqmut Maligainulluuniit.

Laisingit, Uuktuutit Ihuarhaqhimayullu

Ilangani 4 pipkaidjutigiya Ministait tunigiami laisunik pingillugu tamna Tuyurninnga ukunanik Qayangaqtunik Hunavaluit uuktuutinit uuminnga Maligaq Maligangilluuniit.

Uiguani 7 tunihiyuq tuniyaakhaani, agyaqtumut, uuktuutikkut laisimik.

Titiraqhimaninngani 10 pipkaidjutigiya Ministauyuq angirutinganik ihuarhigiami, nutqaqtitaugiami piyaluguluuniit laisingit ihumagigumiuk naamaktumik pityutiqagumthat.

Piqangittuq uuktuutikhanik laisinginnut tuniyauqangittuq, ihuarhangittut, nutqaqtauyulluuniit taimaaqtitauyulluuniit 2014mi.

Tiliurutit

Titiraqhimaninngani 31(1) Maligaqmit, ihivriuqti tunittaaqtuq tiliurutimik nanminiaqtumut inukmulluuniit munariyuq uuminnga Qayangaqtunik Hunavaluit imaa:

- Qayangaqtunik Hunavaluit qattaryukmit, puuqhimayumit, Kuviliqqat kuviniaruknaqhiuqluuniit Qayangaqtunik Hunavaluit qattaryukmit puuqhimayumit akhaluutikkulluuniit tuyuqtuq qayangnaqtut hunavaluknik; unaluuniit
- Naulanituqaqat kuviyuqaqat qayangnatunik hunavaluknik qataqyukmin puunginin uvaluuniin akhaluutmin agyaqtumin qayangnaqtunik hunavaluknik; uvaluuniin
- Tamna Qayangaqtunik Hunavalui tuyuqtauliqqat ihuirutingit Maligamit Maliganginnikluuniit.

Tiliurut pipkaidjutittaaqtaa inuk nutqariami tuyuqninga qayangnaqtunik hunavaluknik, piiqlugu tamna Qayangaqtunik Hunavaluit piluniluuniit aadlanik qanurilurutikhaq ihariagiyauyuq huiqtailidjut, aaniaqtailidjut, tamayanganut avatimulluuniit.

Tiliutainnik tuniqhaingittut 2015mi.

Taiguagakhat Apqutikkut Tuyuqtauyut Kuviraqninganik

Titiraqhimaninnga 34 uuminnga Tuyurninnga ukunanik Qayangnaqtunik Hunavaluit Maligaq, 1990 ihariagiyaq kuviraqtauninnga Qayangnaqtunik Hunavaluit uqaqtauttiaqhimaniaqtuq.

Nunavunmi, taiguagakhat piliurhimayut Nunatsiaqmut-Nunavunmut 24nik-Ikaarninik Kuviqaliqqat Uqaqtakhangit Hivayautingita, ikayuutaut tuniyauyuq angirutimit ukunanit Nunavut Avatiliriyiitkut, Nunatsiap Kavamanga unalu kaanatap havakvingit Nunaqaqqaarhimayut unalu Kaanatami Inuuliriyiitkut (INAC) Avatingalu unalu Hilaup Aadlangurninnga. Tamna angirut piliurhimayut atauhiqmik hivayautikkut nampanga talvuuna tamaita kuviqarumi Nunavunmi Nunatsiaqmilu uqaqtauyut.

Uqaqtauttaqtut kuviniit atauhiyuq ilauyuq hunavaluk naunaittuq qayangnaqtunik hunavaluit titiraqhimayumi Naunaitkutingani 1 kaanatap Maliganginni, qanuraalukmik kikliqaqtuq mikitqianik pipluni talvunga qayangnaqtunut hunavaluit piliurhimayumi llangani 8 kaanatap Maliganginni.

Naunaitkutit kuvinikkut hamma:

Ublua	Nayugaa	Qanugidjutaa	Attautikkut
2016-04-20	Sanikiluaq	Ughuqyuaq	200 L

Atuquyaayunik, Ihuigiyanginnik Qanuriliurutikhallu Pigiarninik

Titiraqhimaninngit 35, 36 unalu38 Maligaqmi piyut ukununnga Ministait atuquyaayunik, ihuigiyangit Ministait atuquyaayunut pigiamikni kavamatkut akilirialgiit piliurhimayut ihuarhigiamikni ikhinnaqhimayut kuviyut qayangnaqtut hunavaluknik.

2015mi piqangittut atuqyauyunik tuniyaungittut, ihuigyaungittut atuqyauyunut piliurhimayut qanuriliungittutlu pigiamikni kavamaktunnit akilirialgiinik.

Pidjatauakhimayunik Ihumagiyangillu

2015mi Pivalliyuliyikkut Ingilrayuliyitkullu paqingittut pidjatauakhimayakhanik ihuinaaqtunut uumunnga Nunavut Tuyurninnga ukunanik Qayangnaqtunik Hunavaluit Maligaq, 1990 unaluuniit Tuyurninnga ukunanik Qayangaqtunik HunavaluitMaligangit, 1992.

Ihumagiyauqangittut ahiruqtirninginnik Maligamut Maliganginnulluuniit.